



პერსონალის შერჩევის საზღვარგარეთული გამოცდილება

რეზიუმე

ნაშრომში „პერსონალის შერჩევის საზღვარგარეთული გამოცდილება“ გადმოცემულია საზღვარგარეთის ქვეყნებში პერსონალის მოზიდვის პროცესი, რომელსაც, გადაიქცა რა ეკონომიკისა და მენეჯმენტის სწრაფად განვითარებად დარგად, უზარმაზარი შემოსავალი მოაქვს ცალკეული ქვეყნის ბიზნესსთვის. ასევე ყურადღება გამახვილებულია პერსონალის შერჩევის უმთავრეს სტრატეგიებზე – დივერსიფიკაციასა და სპეციალიზაციაზე. ხაზგასმულია აგრეთვე საერთაშორისო ბიზნესში მენეჯერების შერჩევის პრაქტიკული გამოცდილება და ალტერნატიული მეთოდების პრიორიტეტები ადამიანური რესურსების შერჩევის, არსებული რეზერვების გამოვლენისა და მართვის პროცესის სრულყოფის შესახებ საზღვარგარეთული გამოცდილების შესაბამისად, მაგრამ ადგილობრივი თავისებურებების გათვალისწინებით.

საკვანძო სიტყვები: დივერსიფიკაცია, სპეციალიზაცია, რეკრუტირება, მენეჯმენტის სტრატეგიები, პერსონალის შერჩევის ფილოსოფია, რეზერვების გამოვლენა.

ბოლო ათწლეულების მანძილზე საზღვარგარეთის რიგ ქვეყნებში პერსონალის მოზიდვის პროცესი (რეკრუტირება) ეკონომიკის სწრაფად განვითარებად დარგად გადაიქცა, რომელსაც უზარმაზარი შემოსავალი მოაქვს ცალკეული ქვეყნისთვის.

საზღვარგარეთის განვითარებულ ქვეყნებში რეკრუტირები მწვავე კონკურენტული ბრძოლით გამოირჩევა, რაც განაპირობებს საკადრო სააგენტოების საქმიანობის მრავალფეროვან სტრატეგიებს. პერსონალის შერჩევის უმთავრეს სტრატეგიას წარმოადგენს დივერსიფიკაცია და სპეციალიზაცია. ამასთან, წამყვანი კომპანიები ყოველთვის ცდილობენ გარკვეული ბალანსი შეინარჩუნონ მათ გამოყენებაში. სპეციალიზაციის სტრატეგია – რეკრუტირები გულისხმობს ცალკეული სტრუქტურული ერთეულის გამოყოფას, რომელიც პასუხისმგებელი იქნება პერსონალის მოზიდვის მომსახურებაზე. დივერსიფიკაციის სტრატეგია გულისხმობს რეკრუტირების შესაძლებლობების დამატებითი შესაძლებლობების განვითარებას, ასევე მის აქტიურ

ციალა ლომაია
სტუ-ს პროფესორი
E-mail: lomaia55@mail.ru
ელენორა ლაგვილავა
სტუ-ს დოქტორანტი
E-mail: eli.lagvilava@gmail.com

ექსპანსიას სხვა ქვეყნებსა და რეგიონებში. დამატებით შესაძლებლობებში იგულისხმება ახალი მომსახურების გაწევა, რომელიც ადრინდელ ბიზნესთან ერთად იწვევს მომსახურების ხარისხის გაუმჯობესებას. ბოლო ათწლეულის განმავლობაში რეკრუტირების განვითარებაში არსებულმა ტენდენციებმა შესაძლებელი გახადა, დანერგილიყო სააგენტოების მიერ პერსონალის მოზიდვის ორი ძირითადი ტექნოლოგიური მეთოდი – პირდაპირი და სტანდარტული. ორივე მათგანი პერსონალის მოზიდვის პირდაპირ მეთოდზე არის დამყარებული.

რეკრუტირების ტექნოლოგია კარგად მიესადაგება უმაღლესი რგოლის ხელმძღვანელების თანამდებობაზე კანდიდატების შერჩევას. პირდაპირი მეთოდი ასევე გულისხმობს უფრო კვალიფიციურ და სელექციურ მიდგომას, რომლის გარეშეც შეუძლებელია საჭირო კანდიდატების მოძიება. სტანდარტული მეთოდი საშუალო დონის ვაკანსიების შესავსებად იდეალური ვარიანტია.

ინტერნაციონალიზების მასშტაბი, ცენტრალიზების დონე და პერსონალის შერჩევის ფილოსოფია ფირმას ეხმარება იმის განსაზღვრაში, თუ რა ჩვევები და უნარი უნდა გააჩნდეს საერთაშორისო მენეჯერს. ეს ჩვევები იყოფა ორ კატეგორიად, რომელთაგანაც ერთი საჭიროა თანამდებობრივ მოვალეობათა შესასრულებლად, მეორე კი – უცხოეთში სამუშაოდ. უწინარეს ყოვლისა, ფირმამ უნდა განსაზღვროს საქმიანი ჩვევები, რომლებიც აუცილებელია თანამდებობრივ მოვალეობათა შესასრულებლად. მაგალითად, ფირმას, რომელსაც უცხოურ ბაზარზე საამწყობო ქარხანა გააჩნია, აუცილებელია ჰყავდეს ქარხნის დირექტორი, რომელსაც ესმის იქ გამოშვებული პროდუქციის ტექნიკური ასპექტები, ის, თუ რა საწარმოო პროცესები უნდა გამოიყენებოდეს და ა.შ. ასეთი ფირმის მარკეტინგულმა მენეჯერებმა უნდა იცოდნენ, თუ რამდენად არის განვითარებული ქვეყანაში რეკლამის საშუალებები, განაწილების არხები



და საბაზრო კონკურენცია, როგორია ადგილობრივ მცხოვრებთა დემოგრაფიული მახასიათებლები. შემდგომ ფირმამ უნდა განსაზღვროს ის უნარ-ჩვევები, რომლებიც მენეჯერს უნდა გააჩნდეს, რათა ეფექტიანად იმუშაოს უცხოეთში. მასში იგულისხმება მენეჯერის უნარი, შეეგუოს ადგილობრივ კულტურას, ადგილობრივი ენის ფლობა, საერთო ფიზიკური და ემოციური მდგომარეობა, დამოუკიდებლობა და თავისუფლება, შესაბამისი გამოცდილება და განათლება. ცხადია, რომ მიმდები ქვეყნის წარმომადგენლისათვის ბევრად უფრო მარტივია ამ მოთხოვნებისადმი შეგუება, ვიდრე მშობლიური ან მესამე ქვეყნის წარმომადგენლისათვის, რომელთაც პოზიციები უჭირავთ უცხოეთში. შერჩევისა და სწავლებისთვის საჭიროა მეტი რესურსების გამოყოფა, ვიდრე იმ ფირმებში, რომლებიც ევროპიდან პოლიცენტრისტულ მოდელს. ჯერ განისაზღვრება, თუ რა ჩვევები უნდა გააჩნდეს საერთაშორისო მენეჯერს, შემდეგ საერთაშორისო ფირმამ უნდა იპოვოს მისაღები კანდიდატების გარკვეული რაოდენობა ვაკანტურ თანამდებობებზე, ხოლო შემდგომ მოიწვიოს და შეარჩიოს საუკეთესო მათ შორის.

საერთაშორისო ბიზნესში გამოცდილ მენეჯერთა რეკრუტირება ხორციელდება სხვადასხვა არხების გამოყენებით. კანდიდატების შერჩევის ერთ-ერთი ძირითადი წყაროა თვით ფირმა, მისი თანამშრომლები, რომლებიც უკვე მუშაობენ მიმდებ ქვეყანაში, ან ისინი, რომლებიც მუშაობენ მშობლიურ ქვეყანაში და მზად არიან წავიდნენ ხანგრძლივ უცხოურ მივლინებაში. უკანასკნელი ჯგუფი შეიძლება მოიცავდეს როგორც მენეჯერებს, რომლებიც ადრე ასრულებდნენ უცხოურ დავალებებს, ისე შემსრულებლებს. როდესაც კანადური შეილობილი კომპანია „კალკონი“ ახორციელებდა პირუტყვის საკვების ბაზარზე შეღწევას პოლონეთში, მან ახალი ბიზნესის დაწყება დაავალა პოლონური წარმოშობის კანადელ მენეჯერებს. სხვა კომპანიები მოკლევადიანი მენეჯერული ვაკანსიების შესავსებად ხშირად მიმართავენ თავიანთ პენსიაზე გასულ ხელმძღვანელთა მომსახურებას.

საერთაშორისო საწარმოს ასევე შეუძლია პერსპექტიული მენეჯერების მოძებნა სხვა ფირმებში. ისინი შეიძლება იყვნენ მენეჯერები მიმდები ქვეყნის მცხოვრებთაგან, რომლებიც შეესაბამებოდათ ვაკანტური თანამდებობების მოთხოვნებს, ან მენეჯერები, რომლებიც უკვე მუშაობდნენ უცხოეთში, მაგრამ სხვა ფირმებში. უმაღლეს თანამდებობაზე კანდიდატების შერჩევისას ფირმები ხშირად მიმართავენ ე.წ. ჰედჰანტერების – „თაგებზე მონადირეთა“ მომსახურებას სპეციალ-

ისტების პოტენციური კანდიდატების მოსაძებნად. ჰედჰანტერები რეკრუტირებული ფირმებია, რომლებიც აქტიურად ეძებენ კვალიფიცირ მენეჯერებს და სხვა პროფესიონალებს შესაძლო ვაკანსიებისთვის სხვა ორგანიზაციებში. მსოფლიოს მრავალ ქვეყანაში, მათ შორის იაპონიაშიც, სამუშაო ადგილის გამოცვლას ხანგრძლივ პერიოდში გამოიხატა. ევროპაში აქამდე ჰედჰანტინგი არაეთიკურად ითვლებოდა. სხვათა შორის, საქმიანობის ამ სახეობისადმი დამოკიდებულება დროთა განმავლობაში იცვლება. მრავალი ფირმა შესაძლებლად თვლის, გადაიბიროს მაღალკვალიფიციური იაპონელი თანამშრომლები იაპონური ფირმებიდან.

ზოგჯერ ფირმისთვის ხელსაყრელი აღმოჩნდება საწარმოო სიმძლავრეთა გადაადგილება ისეთ რაიონებში, სადაც ხელმისაწვდომია კვალიფიციური სამუშაო ძალა. მაგალითად, როდესაც ამერიკული და შვედური ფარმაცევტული ფირმები გაერთიანდნენ, თავიანთი შტაბ-ბინა თავდაპირველად ლონდონში განათავსეს. მალე გაირკვა, რომ იქ არ არის ადეკვატური რაოდენობის ხელმძღვანელი და ტექნიკური კადრები საწარმოს მოთხოვნილებათა უზრუნველსაყოფად. ლონდონი მსოფლიოს ერთ-ერთი უძვირესი ქალაქია, რის გამოც სხვა ქვეყნებიდან მენეჯერთა გადაადგილება ლონდონში ეკონომიკურად არახელსაყრელი იყო და გარკვეული დროის შემდეგ ფირმამ თავისი შტაბ-ბინა გადაიტანა ნიუ-ჯერსში, სადაც განთავსებულია მრავალი ფარმაცევტული კომპანიის ოფისი და დღესაც წარმატებით მუშაობს.

შეიძლება დამაჯერებლად ითქვას სხვა ტენდენციის არსებობაზეც: ბიზნესის გლობალიზაციის შედეგად მმართველობით ვაკანსიათა ბაზარი ასევე გლობალური ხდება. მაგალითად, უმსხვილესი ბრიტანული ქიმიური კომპანიის imperial chemical industries PLC-ის 150 ტოპ-მენეჯერიდან ნახევარს ბრიტანული წარმოშობა გააჩნია. ფირმები შრომის ეფექტიანობას სულ უფრო მაღლა აყენებენ ეროვნულობაზე. ამ ტენდენციის ტიპური წარმომადგენელია ნონურა სეცურიტიეს, იაპონიის უმსხვილესი ბროკერული ფირმა. გლობალური ბაზრის საკუთარი წილის შემცირებით შემოფოთებულმა წინადადებით მიმართა დიდად გამოცდილ ხელმძღვანელს ფასიანი ქაღალდების სამყაროდან, ამერიკელ მარკ ჩეპმენს, დახმარებოდა გლობალური ოპერაციების გააქტიურებაში, რისთვისაც უნდა ეხელმძღვანელა ლონდონში განთავსებული შტაბ-ბინისათვის. მსხვილი მრავალეროვნული კორპორაციები არც თუ იშვიათად ქირაობენ უმაღლესი სასწავლებლების კურსდამთავრებულებს,



რათა მაშინვე მიაგლინონ ისინი უცხოეთში სამუშაოდ, მაგრამ ზოგიერთი ფირმა ქირაობს გუშინდელ სტუდენტებს, რომ გაგზავნონ ისინი უცხოეთში მივლინებებში მომავალ პერიოდში, დასაწყისში კი მათ სამუშაოს აძლევენ საშინაო ბაზარზე. განსაკუთრებით მიმზიდველია კურსდამთავრებულები, რომლებიც უცხოურ ენას ფლობენ, აქვთ უცხოეთში მოგზაურობის გამოცდილება და სპეციალდებიან საერთაშორისო ბიზნესში ან მსგავს სფეროებში. ცალკეულმა ფირმებმა ხანგრძლივადიანი მიდგომის გამოყენება დაიწყეს საერთაშორისო მმართველობითი კადრების განვითარების მიზნით. მაგალითად, კომპანია ცოცა-ცოლა აქტიურად ეძებს უცხოელ სტუდენტებს, რომლებიც ამერიკულ კოლეჯებსა და უნივერსიტეტებში სწავლობენ და სადიპლომო ნაშრომის დაცვის შემდეგ გეგმავენ მშობლიურ ქვეყანაში დაბრუნებას. იგი ქირაობს ამ კურსდამთავრებულებს შორის საუკეთესოებს და სთავაზობს მათ სწავლების წლიური პროგრამის გაგლას. ახალ მენეჯერს შეუძლია შინ დაბრუნდეს „კოკა-კოლას“ შტატიანი თანამშრომლის სტატუსით და მიიღოს ადგილი მრავალფეროვანი კორპორაციის თანამდებობაზე, რომელიც ოპერაციებს ასრულებს მის ქვეყანაში.

პერსონალის შერჩევის სისტემა განსხვავებულია აშშ-სა და იაპონიაში. გარკვეულწილად, იაპონურ ფირმებში „ორგანიზაციას არგებენ ადამიანს“. აქ უფრო ნაკლებ ყურადღებას აქცევენ სპეციალურ ცოდნას, უნარ-ჩვევებსა და პრაქტიკულ გამოცდილებას, რომელიც საჭიროა თანამდებობრივი მოვალეობების დაუყოვნებლივ შესრულებისათვის და კონცენტრირებული არიან ინდივიდუალურ პოტენციალსა და სწავლის ხარისხზე. ეს იმით აიხსნება, რომ იაპონურ ფირმებში ამა თუ იმ პიროვნების დაქირავება ხდება, როგორც წესი, ხანგრძლივი დროის განმავლობაში. კონკრეტული სპეციალური უნარ-ჩვევები და გამოცდილება მიიღება უშუალოდ ფირმაში. კადრებთან მუშაობის მთელი სისტემა აქ მორგებულია „მუდმივი დაქირავების“ პრინციპს, აშშ-ში კი უპირატესობას ანიჭებენ ისეთი მომუშავეების დაქირავებას, რომლებსაც გააჩნიათ პრაქტიკული გამოცდილება, პროფესიული ცოდნა და უნარ-ჩვევები. ასეთ შემთხვევაში ახალი მომუშავეების სწავლებაზე გაცილებით ნაკლები დანახარჯებია საჭირო და დაქირავებულს შეუძლია პირდაპირ შეუდგეს მასზე დაკისრებული მოვალეობების შესრულებას. ყველა შემთხვევაში კადრების შერჩევა მიმართულია პრეტენდენტის უნარისა და შესა-

ძლებლობების გამოვლენისაკენ, რათა განსაზღვრულ იქნეს მისი შესაბამისობა ორგანიზაციის მუშაობის თავისებურებებთან და პირობებთან. ორგანიზაციათა უმრავლესობა იყენებს ვაკანტურ თანამდებობებზე შერჩევის გავრცელებულ პროცედურას, რომელსაც პერსონალის განყოფილება ახორციელებს. პერსონალის შერჩევის პროცესების ყოვლისმომცველი მიზანია უმცირესი ხარჯებით შეიძინოს დაქირავებულთა ის რაოდენობა და ხარისხი, რომელიც დააკმაყოფილებს კომპანიის მოთხოვნილებას ადამიანური რესურსების მიმართ.

დაქირავებისა და შერჩევის სამი ეტაპი გამოიყოფა: 1. მოთხოვნათა განსაზღვრა, 2. კანდიდატების მოზიდვა, 3. კანდიდატების შერჩევა. მოთხოვნათა განსაზღვრა სამუშაოს საკვალიფიკაციო აღწერას, დასაქმების დროისა და პირობების განსაზღვრას გულისხმობს, კანდიდატების მოზიდვა – კანდიდატების აღტერნატიული წყაროების მოსინჯვასა და შეფასებას კომპანიასა და მის გარეთ, რეკლამირებას, სააგენტოებისა და კონსულტანტების გამოყენებას და ა.შ.

კანდიდატების შერჩევა ხორციელდება შემდეგნაირად: ვაკანსიის არსებობის შემთხვევაში ფირმა ინტერნეტ საიტებზე აქვეყნებს ვაკანტური ადგილის შესახებ ინფორმაციას და დაინტერესებულ პირებს შესაძლებლობა ეძლევათ შეავსონ სპეციალური სააპლიკაციო ფორმა, სადაც დეტალურად იქნება განხილული აპლიკანტის საერთო ინფორმაცია (სახელი, გვარი, სქესი, დაბადების თარიღი, ოჯახური მდგომარეობა და ა. შ.), საკონტაქტო ინფორმაცია (მობილური ტელეფონი, ელფოსტა, მისამართი და ა. შ.), პრეფერენციები (სასურველი შემოსავალი, მუშაობის დაწყების შესაძლებლობის დრო, საქმიანი სფერო და ა. შ.), სამუშაო გამოცდილება, განათლება, ტრენინგები, სემინარები, სერტიფიკატები, ენების ცოდნა, კომპიუტერული პროგრამების ცოდნა, რეკომენდატორები და სხვა. ვაკანტურ თანამდებობაზე განცხადებების შევსების შემდეგ ხდება მათი განხილვა და გადარჩევა. ტესტირებასა და გასაუბრებაზე იწვევენ მხოლოდ შერჩეულ კანდიდატებს, რომლებიც აკმაყოფილებენ საკვალიფიკაციო მოთხოვნებს (უმაღლესი განათლება, რუსული და ინგლისური ენების ცოდნა, საოფისე კომპიუტერული პროგრამები) და პიროვნულ თვისებებს (თავაზიანობა, დიპლომატიურობა, პრეზენტაბელურობა, ეფექტური კომუნიკაციის უნარი, სისხარტე, ოპერატიულობა, პუნქტუალობა და ა.შ.).

პერსონალის შერჩევის ამ ტიპის გარდა, ნებისმიერ მსურველს, ვინც ეძებს სამსახურს,



შეუძლია შეავსოს სპეციალურად შეთავაზებული ჩV-ის ფორმა, მიუთითოს სასურველი ვაკანტური პოზიციის დასახელება და დატოვოს ადამიანური რესურსების განყოფილებაში.

ვაკანტურ პოზიციაზე კანდიდატის შერჩევის შემდეგ ხშირად ხდება მისი სამსახურში სტაჟიორად აყვანა 1-3 თვის ვადით. ამ დროის განმავლობაში სტაჟიორი სწავლობს მასზე დასაკისრებელ მოვალეობას. სტაჟირების ვადის ამოწურვის შემდეგ, თუ აითვისა დაკისრებული დავალება, საკითხი წყდება მის სასარგებლოდ. ზოგადად, საჭირო ადამიანების რაოდენობა და კატეგორიები განსაზღვრული უნდა იყოს პროგრამაში, რომელიც გამომდინარეობს ადამიანური რესურსების გეგმიდან. ამასთან ერთად, აქტუალური გახდება მოთხოვნები შეცვლის მიზნით და ახალი სამუშაო ადგილების შესავსებად. ეს მოთხოვნები, შესაძლებელია, განსაკუთრებით მნიშვნელოვანი იყოს შეცვლის მოთხოვნისა და დაქირავებულების დონის შემოწმებისას. გარკვეული თანამდებობების მიმართ მოთხოვნები ჩამოყალიბებულია სამუშაოს საკვალიფიკაციო აღწერისა და ადამიანის საკვალიფიკაციო მოთხოვნის სახით და უზრუნველყოფს ძირითად ინფორმაციას, რომელიც საჭიროა სარეკლამო განცხადებების დასაგეგმად, სააგენტოებისა და დაქირავების კონსულტანტების იმ სტრუქტურებისთვის, რომლებიც კანდიდატებს აფასებენ.

სამუშაოს საკვალიფიკაციო აღწერა გვიჩვენებს მის ძირითად დეტალს, განსაზღვრავს ანგარიშებით ურთიერთობებს, სამუშაოს მთლიან ამოცანას, ბევრ შემსრულებელ საქმიანობას, დავალებას, ნებისმიერ სხვა სპეციალურ მოთხოვნასა და თავისებურებებს. დაქირავების მიზნებისათვის უზრუნველყოფილი უნდა იყოს ინფორმაცია მომზადების, განვითარების, კარიერის დონისძიებების შესახებ. ამ დონისძიებაში შედის როგორც სამუშაოს ვადები და პირობები, ისე განსაკუთრებული მოთხოვნები, მაგალითად: გადაადგილება, მოგზაურობა და არასაზოგადოებრივი დრო.

ადამიანის საკვალიფიკაციო მოთხოვნები გულისხმობს დაქირავებას, სამუშაოს ან პერსონალის საკვალიფიკაციო დახასიათებას, განსაზღვრავს იმ განათლებას, მომზადებას, კვალიფიკაციას, გამოცდილებასა და კომპეტენტურობა-კომპეტენციებს, რომლებიც მომუშავეს მოეთხოვება. ადამიანის საკვალიფიკაციო მახასიათებლებია: კომპეტენტურობა და კომპეტენციები, კვალიფიკაცია და მომზადება, განსაკუთრებული მოთხოვნები, ორგანიზაციული შემგუებლობა და სხვა. კომპეტენტურობა და კომპე-

ტენციები გულისხმობს, რა უნდა იცოდეს და რისი გაკეთება უნდა შეეძლოს ცალკეულ პირს როლის შესასრულებლად, რომელშიც შედის ნებისმიერი უნარი ან აუცილებელი ცოდნა.

კვალიფიკაცია და მომზადება შეიცავს პროფესიულ, ტექნიკურ და აკადემიურ კვალიფიკაციას, რომლებიც აუცილებლად უნდა გააჩნდეს კანდიდატს, აგრეთვე მოიცავს ტრენინგურებს, რომლებიც ასევე უნდა გაიაროს კანდიდატმა. გამოცდილება ორგანიზაციებისა და სამუშაოს კატეგორიების მიხედვით იმ მიღწევებსა და სამუშაოს სახელებს ითვალისწინებს, რომლებიც წარმატებას წინასწარმეტყველებდნენ.

განსაკუთრებულ მოთხოვნებში შედის ყველაფერი, რაზედაც როლის შემსრულებელი ფიქრობს, რომ მიაღწევს. ესენია: სპეციალური სფეროებში ბაზრის დაპყრობა, სპეციალიზაციის სრულყოფა, მომსახურების დონის გაუმჯობესება, მაღალი მწარმოებლურობა, ახალი სისტემებისა და პროცესების დანერგვა. კანდიდატების მოლოდინის დაკმაყოფილება გვიჩვენებს, თუ რამდენად მიიღწევა იგი შესაძლებლობების, მომზადების, უსაფრთხოებისა და ა. შ. თვალსაზრისით. ხშირად შესაძლოა მეტი ინფორმაცია დაგვჭირდეს რეკლამირების, ვადებისა და პირობების შესახებ. ყველაზე დიდი საფრთხე, რომელიც ამ პირობებში თავიდან უნდა ავიცილოთ, არის აუცილებელი კომპეტენციებისა და კვალიფიკაციის გაზვიადება. ადამიანს პრობლემები ექმნება მაშინაც, როცა მისი უნარი ბოლომდე არაა გამოყენებული. ამ გადასახედიდან მნიშვნელოვანია ცალკე გამოიყოს კვალიფიკაციის ცალკეული სქემა. სამეცნიერო ლიტერატურაში ყველაზე ცნობილია როჯერსისა და მუნრო-ფრეიხერის სისტემები.

ამ ორი სისტემიდან ექვსეტაპიან გეგმას უფრო ხანგრძლივი წარმომავლობა აქვს. ხუთ-კატეგორიანი სქემა უფრო მარტივია და მეტ ყურადღებას უთმობს განმცხადებლის კარიერის დინამიკურ ასპექტებს, თუმცა გამოკითხვის ჩასატარებლად ორივე კარგ სტრუქტურას წარმოადგენს. გაცილებით ბევრი დაქირავებული იყენებს კომპეტენციების ენას ადამიანის საკვალიფიკაციო მოთხოვნების საფუძველად, რომელიც შედის კომპეტენტურობის კლასიფიკაციაში. კომპეტენტურობაზე დაფუძნებული მეტოდი ნიშნავს იმას, რომ რიგისთვის განსაზღვრული კომპეტენციები გამოყენებულია შერჩევის პროცესის სტრუქტურად. როგორც რობერტსი თვლის: „კომპეტენციების მეთოდის გამოყენების უპირატესობა ისაა, რომ ადამიანს შეუძლია, დაადგინოს და გამოყოს ძირითადი



მასხასიათებლები, რომლებიც გამოყენებული იქნება შერჩევის საფუძვლად და რომ ეს მასხასიათებელი აღწერილია ისე, რომ გაგება და შეთანხმება შესაძლებელი გახდება. აქედან გამომდინარე, კომპეტენციები შერჩევის პროცესის ძირითად ნაწილად იქცევა.”

კომპეტენციების მეთოდს შეუძლია დაეხმაროს ადამიანს იმის დადგენაში, თუ რომელი შესარჩევი მეთოდი იძლევა სასარგებლო ჩვევებს, მაგალითად, ფსიქოლოგიური ტესტირება თუ შერჩევის ცენტრები. კომპეტენციების მეთოდი გვაწვდის ინფორმაციას, რომელიც საჭიროა სტრუქტურული გამოკითხვის ჩასატარებლად. აქ კითხვები ძირითადად ეხება გარკვეული კომპეტენტურობის სფეროებს, რათა დადგინდეს, თუ რამდენად აკმაყოფილებენ კანდიდატები იმ საკვალიფიკაციო მოთხოვნებს, რომლებიც კომპეტენციების სახით არის ჩამოყალიბებული.

კომპეტენტურობის მეთოდის გამოყენება ზრდის პროგნოზის ვარგისიანობის სიზუსტეს, ხელს უწყობს ადამიანის ხარისხობრივი ნიშნებისა და სამუშაოს მოთხოვნების უფრო მეტად მისადაგებას და საფუძვლად ედება დაქირავების მთელ რიგ მეთოდებს: განცხადების ფორმებს, გამოკითხვის, ტესტებისა და შერჩევის ცენტრებს.

სტრუქტურა შესაძლებელია განისაზღვროს, როგორც სამუშაოზე დაფუძნებული კომპეტენტურობა, რომელიც ეხება იმ მოლოდინს, რისი მიღწევის საშუალებაც უნდა ჰქონდეს ადამიანს, კერძოდ, უკავშირდება იმ შედეგებს, რომელთა მიღებასაც სამუშაო განაპირობებს. მასში შედის აუცილებელი ქცევითი კომპეტენციების განსაზღვრა, რომელიც ეხება პირად მასხასიათებლებსა და ქცევას, აუცილებელ ფაქტორს წარმატებული საქმიანობისთვის, მაგ: ხელმძღვანელობა, ჯგუფური მუშაობა, ინიციატივა, კანდიდატების მოზიდვა. კანდიდატების მოზიდვა წარმოადგენს მსურველთა ყველაზე შესაფერისი წყაროების დადგენის, შეფასებისა და გამოყენების უპირველეს საგანს. ამავე დროს, ისეთ შემთხვევებში, როდესაც კანდიდატების მოზიდვისა და შენარჩუნების სირთულეები გათვალისწინებულია, აუცილებელი ხდება იმ ფაქტორ-

ბის წინასწარი შესწავლა, რომლებიც შესაძლებელს ხდის კანდიდატების მოზიდვას ან მათზე უარის თქმას. ამ კუთხით მნიშვნელოვანია ორგანიზაციის, როგორც დამქირავებლის, სიძლიერე და სიზუსტე.

დაქირავების სიძლიერისა და სიზუსტის გაანალიზება მოიცავს ისეთ საკითხებს, როგორიცაა: ორგანიზაციის სახელმწიფო თუ ადგილობრივი რეპუტაცია, ანაზღაურება, დაქირავებულის დახმარება და სამუშაო პირობები, საინტერესო სამუშაო, დასაქმების გარანტია, განათლებისა და მომზადების შესაძლებლობები, კარიერის პერსპექტივა და ოფისისა და წარმოების ადგილმდებარეობა. ეს ყველაფერი უნდა შეეფარდოს კონკურენციას იმისათვის, რომ გაეთდეს იმ წერტილების დიაგრამა, რომელიც მიუთითებს ნაწარმის გაყიდვის მიზანშეწონილობაზე. კანდიდატები, შეიძლება ითქვას, ჰყიდიან თავიანთ თავს, მაგრამ ამავე დროს, ყიდულობენ იმას, რასაც ორგანიზაცია მათ სთავაზობს. თუ სამუშაო ძალის ბაზარი არის მყიდველის ბაზარი, მაშინ კომპანიამ, რომელიც თავის თავს ყიდის კანდიდატებზე, უნდა შეისწავლოს მათი მოთხოვნილებები და განსაზღვროს, თვითონ თუ რისი უზრუნველყოფა შეუძლია. ზოგიერთი ორგანიზაცია მოითხოვს, რომ შიდა კანდიდატებთან თანაბარ პირობებში.

თუ ორგანიზაციაში არ არის ადამიანთა საკმარის რაოდენობა, კანდიდატების მოზიდვის ძირითად წყაროს წარმოადგენს რეკლამირება, კონსულტაციები და სააგენტოების მიერ სამუშაო ადგილის მაძიებლებით ვაკანსიის გარედან მომარაგება, აგრეთვე ინტერნეტის გამოყენება, განსაკუთრებით უმაღლესი განათლების მქონე პირთათვის, რომლებისთვისაც იგი მსოფლიოს ნებისმიერ კუთხეში ხელმისაწვდომია.

ზემოაღნიშნულდან გამომდინარე, ადამიანური რესურსების შერჩევის, არსებული რეზერვების გამოვლენისა და მართვის პროცესის სრულყოფა აუცილებელია საზღვარგარეთული გამოცდილების შესაბამისად, მაგრამ ადგილობრივი თავისებურებების გათვალისწინებით.



ბამოყენებული ლიტერატურა:

1. ლომაია ც., „ადამიანური რესურსების მენეჯმენტი“, თბ., 2014 წ.
2. ლომაია ც., ლაგვილავა ე., „ადამიანური რესურსების შერჩევისა და ზრდა-განვითარების პრიორიტეტები მენეჯმენტის სისტემაში“, ჟ. „სოციალური ეკონომიკა“, 2015 წ.
3. ლაგვილავა ე., ლომაია ც., „პერსონალის შერჩევის პრობლემები თანამედროვე მენეჯმენტში“, სამცხე-ჯავახეთის სახელმწიფო უნივერსიტეტის შრომების კრებული, ახალციხე, 2015 წ.
4. Competitiveness Yearbook 2006//[http://www.imd.ch](http://www.imd.ch;);
5. Garellis S., The World Competitiveness Landscape in 2006/IMD World.

FOREIGN COUNTRIES EXPERIENCE OF STAFF RECRUITMENT

TSIALA LOMAIA

professor of GTU

E-mail: lomaia55@mail.ru

ELEONORA LAGVILAVA

PhD of GTU

E-mail: eli.lagvilava@gmail.com

Summary

The Paper “Foreign Countries Experience of Staff Recruitment” deals with the process of recruiting staff in foreign countries which turned into a rapidly developing field of Economics and Management, which is a huge amount of revenue from individual countries for business. It also focuses on the key strategies: diversification and specialization of the recruitment. Emphasizes the selection of managers based on practical experience and alternative methods of priorities in International business. The paper also deals with the HR selection, identification of existing reserves and management improvement based on foreign countries experience with due consideration of local features.

Keywords: diversification, specialization, recruitment, management strategies, personnel selection philosophy, identification of reserves.

ЗАРУБЕЖНЫЙ ОПЫТ ПОДБОРА ПЕРСОНАЛА

ЦИАЛА ЛОМАИЯ

Профессор ГТУ

E-mail: lomaia55@mail.ru

ЭЛЕОНОРА ЛАГВИЛАВА

Профессор ГТУ

E-mail: eli.lagvilava@gmail.com

Резюме

В труде „Зарубежный опыт подбора персонала“ отображается процесс притягивание персонала в зарубежных странах, который стал быстро развивающейся отраслью экономики и менеджмента и приносит огромный доход бизнесу разных стран. Внимание заостряется на главных стратегиях подбора персонала: на диверсификацию и специализацию. Также подчёркнуты, практический опыт подбора менеджеров и приоритеты альтернативных методов в международном бизнесе. Подбор человеческих ресурсов, выявление существующих ресурсов и совершенствование процесса управления соответственно с зарубежным опытом, но с учётом местных особенностей.

Узловые слова (термины): Диверсификация, специализация, рекрутирование, стратегии менеджмента, философия подбора персонала, выявления резервов.